



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1735. usque ad annum 1737

**Fleury, Claude**

**Augustæ Vindelicorum [u.a.], 1786**

**VD18 90119347**

§. 21. Wormatiensis contentio de quadam diruta Catholicorum Ecclesia.

---

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Regni Primoribus, quos ei Pater com-  
 mendaverat, totum permisit. Hi au-  
 tem a Mandarinis stimulati, confirma-  
 tis Juntschii decretis in Christianorum  
 excidium latis, eosdem in variis Pro-  
 vinciiis crudelem in modum perseque-  
 bantur.

Sæc. XVIII.  
 A. C. 1735.

§. XXI.

*Wormatiensis contentio de quadam  
 diruta Catholicorum Ecclesia.*

Jam a tempore memoriam hominum  
 excedente Wormatienses Canonici  
 ad S. Andream Parochialem Ecclesiam  
 ad S. Magnum possederant; illam ta-  
 men iniquo illo tempore, quo sua Ca-  
 tholicis eripiendi cupiditas erat novi  
 Evangelii tessera, Wormatienses Lu-  
 therani ab anno Christi millesimo quin-  
 gentesimo vigesimo sexto sibi vendica-  
 runt. Reclamabant quidem continuo  
 acriterque Canonici, jusque suum  
 contra apertam vim quantis viribus  
 possent, tuebantur, operam tamen lude-  
 bant; quippe Lutherani fautorum po-  
 tentia elati tunc non justitiæ leges, sed  
 suam duntaxat sequebantur conscien-  
 tiam, quam tamen juxta proprium  
 arbitrium & commodum plerumque  
 metiri solebant: hanc ergo Ecclesiam  
 sibi solis attribuunt, possident, ibi suæ

G 3 sectæ



**Sæc. XVIII.** sectæ cultum invehunt, & usurpant  
**A. C. 1735.** usque ad annum Domini millesimum  
 sexcentissimum octogessimum nonum,  
 quo potissima Urbis pars fervente Gal-  
 lorum bello in cineres resedit: Pari fa-  
 to involvebatur memoratum quoque  
 Templum, in quo, cum præter nu-  
 dum solum vix quædam mœnia essent  
 relicta, haud amplius Lutheranae Re-  
 ligionis cultus habebatur: nec sequen-  
 tibus annis hæc Ecclesia fuit reparata,  
 sed a Præconibus derelicta ac penitus  
 in profanos usus destinata fuit, quippe  
 a Magistratu asseribus tecta, demum  
 in sænile convertebatur. Nec tamen  
 propterea Canonici jus suum in hunc  
 locum persequi cessarunt, sed contra  
 ejusmodi innovationem, ac continua-  
 tam usurpationem sæpius protestati  
 sunt: demum jura sua in dirutam  
 hanc Ecclesiam Jesuitis haud ita  
 pridem in Urbem receptis solemniter  
 cesserunt. Hi ergo, quod jam suum  
 erat, sibi asseri petunt, & jure experi-  
 ri tentant, sed repulsam ferunt: am-  
 cam postea pactionem, ac denique præ-  
 sentem pecuniam offerunt: obfirmatos  
 non movent, nihil obtinent, & quid  
 multis indignè repelluntur, caussanti-  
 bus Lutheranis, hanc Ecclesiam cedi  
 non posse, eoquod ex iis, quas ipsi  
 Catholicis in Urbe abstulissent, prima  
 proin



proin nobilissimum Evangelicæ violen- Sæc. XVIII.  
 tiæ trophæum esset, aliunde vero a A. C. 1735.  
 Magistratu conclusum esse, nullam un-  
 quam Jesuitis publicam in Civitate Ec-  
 clesiam permittere. Cedendum igitur  
 erat aliquamdiu temporis iniquitati, &  
 sectariorum pertinaciæ: magis tamen  
 propitia, quod æquum justumque erat,  
 impetrandi occasio offerebatur, dum  
 bellum adversus Cæsarem ad Rhenum  
 constitit; tum enim Gallorum copiæ  
 WORMATIAM occupaverant, constituto  
 Urbis Governatore Marefcallo ac Comite  
 de la Val-Mommorency, qui hanc  
 Ecclesiam pro frumentatione, ac mil-  
 tati annona destinabat: Hunc ergo  
 supplices adeunt Jesuitæ, ut ipse sua,  
 qua polleret auctoritate Magistratum eo  
 inclinaret, ut hunc locum ipsis debi-  
 tum Divino cultui sacrari permitteret.  
 Æquissima Governatori videbatur ho-  
 rum petitio, quocirca primo apud Ma-  
 gistratum civesque precibus instat, ut  
 hunc locum antiquo jure Catholicis de-  
 bitum, nunc vero derelictum, ruinæ  
 proximum, nullique ferme usui ido-  
 neum, oblato saltem pretio, Jesuitis  
 cederent: Verum spe sua frustratus,  
 cum neque expositis rationibus, ne-  
 que adhibitis precibus quicquam apud  
 Lutheranos efficeret, die octava Julii  
 Magistratui præcepit, ut Ecclesiam ad



Sæc. XVIII. S. Magnum, dirutam, atque profana-  
 A. C. 1735. tam Jesuitis traderet: Ad hæc reposuit  
Magistratus, sibi firmum jus in illam  
 ex pace Westphalica esse, proin abs-  
 que consensu inclyti Corporis Evange-  
 lici a se illam alienari non posse, Gu-  
 bernatorem quidem eam pro suo arbi-  
 trio posse eripere, nunquam tamen  
 Magistratum fore consensurum. Ac-  
 cepto hoc responso Gubernator, qui  
 hucusque ex singulari benevolentia  
 suos ab omni militari licentia sedulo  
 coercebat, jam milites pabulatum ad  
 Urbis agros emisit, hortos asseribus  
 nudari, & nequidem vineis parci ju-  
 lit: Sic tandem, quod clementia ad  
 precibus non poterat, id per illatam  
 calamitatem extorquere nitebatur: An-  
 nuit ergo Magistratus, locumque pacto  
 pretio Jesuitis relinquere pollicetur: ne  
 vero quæsito prætextu fidem datam  
 falleret, Gubernator scriptam renun-  
 tiationis Jesuitis factæ formulam præ-  
 bet, quam altero mane a Magistrato  
 & civibus subscribi, ac solemniter fi-  
 dem obstringi jussit, se prætenso in  
 hanc Ecclesiam juri in perpetuum re-  
 nuntiaturus, nec eandem apud Cæsa-  
 ream Majestatem, vel Imperii comitia  
 repetituros, sed palam professuros,  
 quod nullo unquam tempore illam jure  
 possedissent: Ast hanc conditionem in-  
 ire



ire constanter detrectabant septendecim Sæc. XVIII.  
 civium tribus, seque potius mortis A. C. 1735.  
 supplicium perpeffuras quam in Ecclesiæ  
 cessionem consensuras agebant. Harum  
 repulsa Gubernator, ceteroquin in cive  
 oppido benevolus, tam impotenti ira  
 commovebatur, ut in illos non una oc-  
 casione indignationis suæ vehementiam  
 effunderet: Porro Magistratus iteratis  
 literis pro more suo *Corporis*, ut vo-  
 cant, *Evangelici* aliorumque Principum  
 Protestantium opem implorabat; unde  
 Jesuitæ in turbido hoc rerum statu suæ  
 Ecclesiæ possessionem inire, haud con-  
 sultum censebant; urgente autem Gu-  
 bernatoris mandato Ecclesiæ fores fera  
 pensili claudunt, ac demum die secun-  
 da Augusti Magistratui denuntiant, se  
 altera die hora decima matutina Ec-  
 clesiæ ad S. Magnum possessionem re-  
 cuperaturos, proin Magistratus vel per  
 se, vel per deputatos adesset: Interce-  
 dit protinus Magistratus, nec unquam,  
 etsi rogatus, comparet: nihilominus  
 præstituta hora Jesuitæ Ecclesiam in-  
 grediuntur, illiusque possessionem con-  
 sueta solemnitate capiunt, præfente  
 Notario publico, & Canonicis ad S.  
 Andream, qui cessionem factam con-  
 firmarunt. Re comperta Magistratus al-  
 tera die apud Franciæ Marefcallum  
 Coygnium de Gubernatore vehemen-  
 ter



Sæc. XVIII.

A. C. 1735.

ter queritur, atque adversus gesta per  
 Notarium & testes scriptotenus inter-  
 positam intercessionem Jesuitis tradit,  
 qui tamen in responsis dederunt, Gu-  
 bernatorem desuper rationem redditu-  
 rum. Interim vero Ratisbonenses Le-  
 gati nullum non movebant lapidem, ut  
 illos Principes Protestantes, qui suos  
 Oratores in Franciæ Regis Aula ha-  
 bent, eo adigerent, quatenus Regem  
 ad revocanda Gubernatoris mandata  
 inducerent. Præprimis vero rem ur-  
 gebant Hollandi & Borussiæ Rex, cujus  
 Minister Comes de Chambrier apud  
 Regii Sigilli Custodem nomine sui Re-  
 gis præsentem Wormatiensis Urbis sta-  
 tum, Religionis Lutheraniæ pace West-  
 phalica stabilitæ oppressionem, immo-  
 dicasque exactiones civibus impositas  
 flebili facundia exposuit, tantumque  
 effecit, ut Regius Sigillifer ei respon-  
 deret, Franciæ Regem sese Religionis  
 controversiis, & Urbium in præsentibus  
 bello Gallicis armis subactarum juri-  
 bus nullatenus ingerere, sed omnino  
 velle, ut omnia in pristino statu sine  
 cujuscunque Religionis præjudicio re-  
 linerentur, circa exactionum autem  
 moderationem, expectandam Regii  
 Senatus sententiam, interim vero ne-  
 cesse esse, ut Regis copiæ impensis eo-  
 rum, in quorum ditionibus agunt,

ale-



alerentur. Hæc Boruffiæ Legatus die Sæc. XVIII.  
 vigesima nona Augusti ad Regem suum A. C. 1735.  
 perscripsit, ac ipsemet Franciæ Regis  
 Orator Marchio de la Chetardie Boruf-  
 siæ Regi significavit, Coignyum Ma-  
 rescallum re maturius perpenſa Guber-  
 natori injunxiſſe, ne huic negotio ul-  
 terius ſeſe immiſceret, hocque Mare-  
 ſcalli mandatum a Rege ratum fuiſſe  
 habitum, hanc ergo cauſſam in Civita-  
 tis favorem plene conſectam eſſe. Hoc  
 reſponſo freti Ratiſbonenſes Principum  
 Proteſtantium Oratores Wormatienſi  
 Magiſtratu præceperunt, ut priſtinam  
 Eccleſiæ poſſeſſionem ſibi vendicare ni-  
 terentur; eapropter Jeſuitæ, poſt-  
 quam die undecima Octobris Gallorum  
 copiæ Urbe exceſſerant, altera die ſer-  
 am poſte clam excuſſerunt, atque Ec-  
 cleſiam denuo apertam reliquere: quo  
 factò Magiſtratus eandem appoſita ſera  
 denuo occluſam ſibi vendicavit.

## §. XXII.

*Augustus III. Saxonice Elector a  
 Clemente Papa Rex agnitus.*

Interim Dantiſcum, quo Stanislaus  
 Leſzincſkius confugerat, a Ruſſis,  
 & Saxonibus arcta obſidione cingeba-  
 tur, fuſis autem Gallis, qui laboranti  
 urbi ſuppeticas ibant, Gubernator die  
 vige-